

Lutino weng romo pwonye Dul me 15: Glades ki Benjamin Komagum

Acakki: Itye kawinyo dul lwod wa me lutino weng romo pwonye. Lwod man jo ma kelo bot wu aye Backup Uganda kacel ki Brainstud. Itwero winyo pwonye wani ki iwii yamo me internet ma tye iwang website wa ma ki lwongo ni www.backupuganda.org. Ka itye kawinyo wa ki Gulu, iromo gamo pwonye man macalo dwon ma ki mako ki i Mega fm, Radio Rupiny, Radio Maria onyo i Divine Video and Music Library matye idi town kany. luaheadi ma a ki i gang kwan me district weng romo gamo pwonye ni ki i office pa DEO onyo District Education Office ki bene luaheadi ma a ki igang kwan me city council, romo gamo meg gi ki i office pa CEO onyo City Education Office ki bene igangi kwan magi: Highland Primary School matye iyi obiya iyo Kitgum, Gulu Prison Primary School iyoo Lacor ma opime ki ot lega Holy Cross, Gulu Town Primary School matye iyoo Gulu University, Mary Immaculate Primary School ingee gang lega madit pa katoli ma ki lwongo ni cathedral ma tye iyi For God, St. Joseph's Primary School onyo Christ the King Demonstration Primary School ingee gang kwan Sacred Heart. Kacer imaro ngec ma ipwonye wani, bedagonya me nywakone ki lupaconi, luremi, ki jirani ni bene. ka dano madwong gu winyo pwonye ikom kit peki ma lutino nongo ikwan, ci waromo konyo lutino wa maber loyo.

Glades: Ajolo wu I dul lwod wa me apar wiye abic me lutino weng romo pwonye. An nyianga Lanyero Glades. Tin iwa yom tutwal me rwate ki welo wa mi awora, ma en obi tucu nyinge, kama en a ki iye ki jami mukene ma en mito ni luwiny wa guniang ki bote. apwoyo matek.

Benjamin: Ber, apwoyo dano weng. An nyianga Benjamin Komagum, onyo iromo lwonga ni Benjamin Spartos. An atye lawer ma yee I kom teko me wer me poko ngec ikom peko me nywene pa wic. I kom karen abedo Gulu, Uganda, ki bene atye ka doru kampany ma ki lwongo ni Benjamin Spartos SMC limited.

Glades: Apwoyo matek, Benjamin me mini wa ngec meno ikomi. Iromo bene waci wa ma dwonge ikom tic ma yin itimo, ki bene I wek dano gu nge kama Spartos a ki iyee?

Benjamin: Apwoyo matek. kani awac ngo ma an atimo ikit mi wer, atye ka neno kit mi dongo diro, pe ni pi an kena, ento pi dano weng ma tye I ka bedo na, ma gin tye ki diro ento pe gin ngeyo kit me yilo kero ne. ci a tiyo ki wer na ki ngec mogo ma weko apwonyo, tutwale bulu ki dano mukene kit ma gin romo wer, kit me gwoko diro gi ki bene kit ma gin romo medo kero ngec gi me cat I wii yamo pa munu. ento bene, atiyo ki wer na ki diro na me mino ngec I kom peko me nywene pa wic i kom peki ma wa tye ka yelle kwede ma rwate ki peko me nywene pa wic.

Glades: Apwoyo matek, Benjamin me dok nywako ne kwed wa. Ikom wer ki peko me nywene pa wic, itamo ni ngo ma luwiny wa romo nyiang ki i kom peko me nywene pa wic? Iromo bene waci wa matut kit macalo yin la pok ngec i kom wer ki peko me nywene pa wic?

Benjamin: Ci nywene pa wic, iyoo macek, obedo peko kit ma wa yelle kwede ikit ma wa winyo kwede gin mo, wa tamo kwede, ki bene kit ma wa kwor kwede ki luwot wa. Myero kubed iyoo mene ma wa tero ki kiniga, kwor ki dano, ki bene moko tam i kom kwayi jami mapatpat i kwor. ci wer ki peko me nywene pa wic, tye ki jami ma calcal ma dwong ma weko gin woto ka cel. Kwed njutu ni tye dul adam iwii dano ma pe wil ki wer. ci enoni aye oweko bedo tyen lok ma oweko abedo ki mar onyo miti matek i kom kit me tic ki wer na me yupu lok angeya me konyo kit me poko ngec matir i kom peko me nywene pa wic.

Glades: Apwoyo matek adada. Atye ki gen ni luwiny wa ma woko kenyo tye ka kwanyo lok man ma bejo ma Benjamin tye ka nywako ne kwed wa i kom wer ki peko me nywene pa wic. ki dong kombedi cawa ni, itamo ni lok mene ma dong dit loyo ento kun bene no pe adaa ma dano Waco i kom peko me nywene pa wic? Angeyo ni eni tye gin mo ma dano ma dwong, ma gin tye ki lutino ma tye ki peko me nywene pa wic onyo tute ki peko me nywene pa wic bedo ki lok ma dwong ma nongo pe ada. Iromo bene nywako ne ki luwiny wa?

Benjamin: Kitung bota, atamo ni lok ma dit dong loyo kun bene pe ada i kom peko me nywene pa wic ene aye ni dano ma dwong gi tamo ni peko me nywene pa wic peke ka neko dano madwong. Dano pe ka nyiang kit ma dano ma dwong tye ka rwenyo kwor gi malupe ki peko me nywene pa wic, onyo weko kwor gi bale woko, pe rwenyo kwor gi kiken ento bale pa kwor gi tutwal ma lupe ki peko me nywene pa wic.

Glades: Aya, apwoyo matek. Icani eni, dong waci wa ni omyero wa tee lok eni calo gin ma pire tek aka wa tye ki latin ma tye ki peko me nywene pa wic onyo latin kwan onyo ngati moo kiken ma tye ki peko me nywene pa wic. ladit Benjamin, iromo bene titi wa lanyut mogo ma ngati mo romo nenone ikome wek ku cak byeko ni peko me nywene pa wic tye I kom latina onyo wata moo?

Benjamin: Lanyut mogo ma nen oko aye nen ikit ma ngat enu ni camo kwede onyo kit ma en bedo ka nino kwede. ka itye ka cam onyo ka butu tutwal, onyo manok dok tutwal, ka ce imaro bedo kekeni ma nongo ibedo dano ma maro ni ibed kenekene onyo imoko tami keni, bedo ka ma bor ki dano. ka itye ki kero manok onyo kero ni peke olur. ci ma pud pe ya amede ki lanyut mukene, eno ni myero kubed jami matime ikare me tici pi nino ducu. wa ket ni atura, pi nino maromo kato cabit angwen onyo makato gwok romo bedo cabit adek onyo cabit abicel, ma nongo alokaloka tye ikit, alokaloka tye ikitii me kwor ni ma jwi. ki bene eno ni bene romo bedo lanyut mu kwongo maromo weko in ingeyo ni itye ka yelle ki peko me nywene pa wic. ki dong lanyut mukene en aye inongo ni komi oding okor, onyo calo gino peke onyo itamo ni gino mor pire petek. Ingeyo, bedo ki arem ma pe iromo tito ne maber. Icoo kudiko ci inongo komi ne rem lakite moni kenyo ki bene komi inongo rem cawa ducu onyo inongo abarwic tye ma tek ma nongo pe iromo tito ne kama a ki iyee. Iwinyo ki ikomi ni konyi peke onyo nongo irwenyo gen oko, inonongo calo kwor dong pire pe tek. onyo ineno kiti ni gino mo ma pire tek wek kwor kumede anyim dong peke mi temo ne ikwor. Itiyo ki yat ma dong kato kit majwii, kakany yat romo bedo kongo onyo tar, ki bene eni pe tyene ni mato kongo ki tar dong lanyut me peko me nywene pa wic. Ento, ka ce itye ka tic kwede mukato kakare, wa wac ni ka cer onongo imato kongo ki cel I cabit acel onyo ki ryo I cabit acel, ci dongo cawa mukene icako mato ne tyen angwen inino acel, eni obedo gino mo ma myero inen pi oyotoyot. Inongo wii bedo ma onywene, wii maro wil woko ki ikom jami, inongo cwinyi kec ki kiniga labongo tyen lok mo kiken ma yin iromo niang, inongo cwinyi bene nongo obong ki lworu matek ikom jami mano bene con pe ilworu. Tutwale bedo ki lworu ikom jami mogo ma tye cok kwedi, onyo jami ma in ineno, onyo jami ma dano Waco onyo gin Waco boti. Dange ki lweny ikom dano mi paco kacel ki luremi bene obedo lanyut, mood di tiko bedo kaloke tere tere. Ingeyo, ka er itye ka bedo ki tam, ni itye kaneno gino mor ma onyo ngati mor ma nongo peke, eno ni bene obedo lanyut mukwongo. itamo ni omyero iwan komi

kekeni, itamo ni ineke kekeni, kacer ingeyo onyo lakitemor iwinyo ni omyero ikwany kwor ni woko.pien romo bedo pi can onyo tyen lok mukene ma romo bedo iyo mi yot kom.ento ka dong itamo ni dong itye atera mi kwanyo kwor ni, ci eno ni aye dong lanyut maleng ni itye ki peko me nywene pa wic.

Glades: Apwoyo matek adada, Benjamin, itito lok eni maleng atika, ki bene atye ki gen ni luwiny wa gu bi niang maber. Angeyo ni luwiny wa gu bi penyo lapeny eni ni ka kwene ma wa keto lupoya, jo ma gin lunyo bongo gi woko ki ikom gi? Gin bene waromo keto gi ikin lanyut mogo ma iwaco pire ni? Ki bene ikonyo gi nining? Ngo ma yin itimo malupe ki dog tic ma meg?

Benjamin: Aya, macalo an, pe alwongo gin ni lupoya. dano mapatpat ma ki lwongi ni lupoya ma gin tye ka cane ki peki me nywene pa wic, ma bene pe kite acel. mukene bene romo bedo matek, ento tye kony ma rwate ki kwayi peki me nywene pa wic acel acel. En ma oweko pire tek ki dano me nongo kony ma rwate ki bot dano ma tye ki ngec ma romo konyo dano ma tye ki peko me nywene pa wic. Mukwongo, mi yat ma rwate ki peko moni ki bene imii tam bot gi, wek ku kony gi mi a ikom kare ma gin tye I yee .

Glades: Ber, apwoyo matek. Awaco lok ni lapoya pien tye lok ma pola kare dano waco I kin paci, tiko waco ma bene eno ni pe tye lok maber ma myero ki tii kwede ikom jo ma gi tye ka yelle ki peko me nywene pa wic. Apoya pe tye lok ma omyero ki tii kwede. Apwoyo matek dok odojo, Benjamin, amito ni kong dok nongo igony maleng kit ma peko me nywene pa wic romo balo kwede ki kwan?

Benjamin: Nywene pa wic tye ki wat ma tek adada ki pwonye, pien iwii atir atito peko me nywene pa wic kit ma yin ingeyo kwede, kit ma wa romo tero kit ma wa winyo ki jami kwede, tama waka cel ki kit ma wa kwor kwede ki luwot wa. Wek ipwony gin mo, omyero ibed ma wii opyee. Omyero ibed ki kero me juku ki niga ni ka ce I ocwee, ka ce itye ka cane ki peko me nywene pa wic, ibinongo tek tutwal me timo peny maber I gang kwan, onyo mako lurem ki I gang kwan onyo moko tam matir I gang kwan. Ki bene atami ka ket jami mogo ma rwate ki nywene pa wic ki pwonye, abineno kit ma latin timo kwede ki peny. Angat mor onyo latin onyo latin kwan ma tye ki peko me nywene pa wic obibedo ki peko ikite mitimo peny maber. Iyoo meno, gu bi nongo keto cwiny gi tek tutwal iot kwan, gu bibedo peke ki gen,

bedo ki gen ingeyo, tam iyoo maber, ingeyo, bedo ki adam maber ikom jami ma nongo ipwonyo, ikom jami ma yin ineno, ikom luremi ma tye ingeti, ki bene inongo nino tek. Lanyut eni weng obi balo kit ma ngat moni timo ki peny kwede igang kwan. Ki dong ka obino ikit me kit pa dano, dano ma tye ka yelle ki peko me nywene pa wic, kiniga makor gi okor ki bene gin dugu ger matek atika. bene gin bedo ma kom gi wach, ingeyo, wach kom mogo manongo dok okato kakare kit ma nongo jwii itimo. Ci peko me nywene pa wic balo kit ma yin ikwor kwede ki dano calo lutino kwan luwoti ka cel ki lupwonye ni, romo balo kit ma yin ipwonye kwede, onyo kit ma yin ijolo jami ma ipwonyo ki igang kwan. Ki bene, awinyo ni pien, wac ni, jami mogo ma time I gang kwan labole bura .dano ma tye ka cane ki peko me nywene pa wic obi cako neon ni icako keng gang kwan okor, pien pien gin tye ki lworoni ni ka gi dok igang kwan, jo ma gin lubura ni gu bi yabo lwongo gi ki nying ma dwong mapatpat ma nongo pe yomo cwiny gi onyo gin o bi yabo keto gi I konar, onyo bene ki goyo gi onyo gin bene gi romo cwero cwiny gi. Ci inongo ni ka gin tye nyute boti onyo gin waci goba ni wii gi tye kabare, onyo gin waci la kudi peko mogo ma nongo gin peke kwede ki kome.

Glades: Apwoyo matek me nywako eno ni, Benjamin. ki bene me medo ikom ngo ma Benjamin owaco, pola kare lutino ma dwong ma gin tye ki peko me nywene pa wic, gi keng kwan, pi tyen lok ma Benjamin owaco ni. ki bene cawa mukene gin bene gi nongo bedo ikin dano tek, pien bene lukin gang bene tye ka cimo tok gi. Lutino ni mukene gin nyang te kare ma gin tye ka wok ki iyee. Ento ka imede ki cimo tok gi, lwongo gin ki nying mogo ni lapoya , lok ada, pe gin obimito ni gi bed iot kwan menu, labole, angeyo ni Benjamin dong owaco tyen lok ma dwong, lanyut ki ma pe nen, wa weko bene ngolo kop atura ni ka latin moni bedo kene ci dong icako Waco ni latin enoni tye ki peko me nywene pa wic. Ka ineno latin ma tye ka lok kene ci dong icako Waco ni tye ki peko me nywene pa wic. Cawa mukene nongo jami dwong tye ka ringo idi wii wa, ci weko wa loko ken wa. enoni pet ye lok ni dong wa tye ki peko me nywene pa wic. Ci omyero wa gwoke ma tek pe mi ngolo kop ikom dam pi oyot oyot. Kong waneno dano eno ni pi kare malac, kit en owaco kwede. Wa temo kong yenyo dakter me wic wek en kutem nenone k ace eno ni obedo gin ma otime pi kare ma lac ka re ducu. Apwoyo matek ,Benjamin, pi nywako eno ni kwed wa. Dong mi agiki, amito bene ni ikony luwiny wa ma woko ni. an atye ka neno lanyodo ki lupwonye ma gin tye ka winyo yub man. Tam ango ma yin itamo ni iromo mino ne ki lanyodo onyo lapwony? Onyo bene I tamo

ni gin romo konyo latin gi onyo lutino gi nining ka cer gin onyang ni gin tye I ot kwan gi , ka gin onongo gi I gangi gi onyo bot jirani gi bene?

Benjamin: Atamo ni yoo ma dit loya ma lunyodo ka cel ki lupwonye romo konyo kwede ki lutino onyo latin ma tye ki peko me nywene pa wic ene aye mi acel bedo ki cwiny onyo mite me konyo gi, bedo ki mite mi niang gin maber, ngo magin tye ka wok ki iyee labongo cako ki ngolo kop iwii gi ma lupe ki kit ma gin tye ka kwor kwede, onyo kit ma gin loko kwede onyo bene kit ma gin nen kwede. Ento gin ma pire tek loyo ene aye bedo ki kero. Itye I gang kwan? Itye lapwony? Itye lanyodo ma tye gang? Itye jirani? Ingeyo, itye I kin gang, ingeyo, gino mo kiken mayin itye ka timo ne? itye ka konyo lutino nining ma gin tye ki peko me nywene pa wic? itye nining? Tika itye ka konyo kite me neno lanyut mogo labongo ngolo kop? Ento ka pi atura, I neno latin mo ma ocako bedo ki Oolo pe pi nino acel kiken, ento macalo yin lapwony, ibedo ki latin eni pi kare ma romo dwe ma dwong onyo mwaka kulu romo time ma yin iniang ni latin pi dwe aryo mukato, ci pi dwe mukato, latin Oolo okor pi oyot oyot, ingeyo, nongo gin tye ki peko ikit me keto cwiny gi iot kwan, onyo wa gang ka nongo itye ka lok kwed gi ma calo lanyodo, ingeyo. Nongo dong gin orwenyo gen moni ma gin tye kwede iwii atii, nongo dong gin odwoko kero gi me bedo kacel ki luwote, ingeyo, mogo nongo aloka loka tye ikit me kilo gi bene, mi Akaka medo kilo gi, inongo ni gin tye ka rwenyo kilo gi arwenya. gi rwenyo miti, miti gi rweny woko ki ikom jami ma nongo gin maro con, ingeyo, jami ma yomo cwiny gi. Calo, cawa mukene ka latin maro tuku ki toyi, ci dong latin kwero tuku kwede ci eno ni aye myero kubed tyen lok ma omyero iniang iyee maber. ka latin peke I ot kwan, pi lapwony ma ngeyo lutino kwan ne, ma pud pe yaa icako mini gi pwod onyo ingeyo, lwongo gin ki kwayi nying mogo mapatpat ma nongo pe rwate pingo pe kong iniang gin ma rac ikwor gi? Ingeyo, ka lutino ocako koko ni kom gi rem, romo mogo cake ki idi wii gi. Cako niang ikom lanyut pire tek. Ka dong ineno lanyut, atamo ni pire tek me dwoko piny kero me cimo tok ka gin tye I gang kwan onyo gang onyo bene I kin gangi. Pi gang kwan, lutela gang kwan myero gu ket cik ma konyo lutino ma gin tye ka cane ki peko me nywene pa wic. Mukwongo, pe mi bedo ma ki buru gi, ento bene mi bedo agonya me Waco ne kamaleng gin mo keken ma gin tye ka winyo ne ma rac onyo ma diyo kwor gi, pien pola kare, pol gin igang kwan, pe gin bedo ki gen I kom gi keken gi mi cung dok me Waco lok moni, ni lapwony, an atye kanongo gin munyo diya, wiya rem, anongo koma tye ma Ool, apeke ka

niang tye gino mo marac ma atye kawok ki iyee. ci tute me gwoko te kwaro igang kwan, naka bene ki gang, kama lutino romo loko woko kit ma gin tye ka winyo kit ma kwor gi tye kwede, ka cel ki jami ducu ma gin tye ka yelle kwede ki dong nongo yoo me konyo gi onyo cik ma juku kero me bura ikom gi. atamo ni pire tek me pwonyo lupwonye igang kwan gin ma ber loyo me konyo kit peko me nywene pa wic. atamo ni pola kare I gang kwan, miti pa dano weng tye ikom kwan, onyo kwan kikome ma lapwony miyo I gang kwan, atamo ni me medo ne ikom enoni, pire bene tek ni lapwony myero bene ki pwony kiti me konyo onyo bedo kacel ki lutino ma gi tye ki peko me nywene pa wic, ki bene ki pwonyo lutino ikom ngo ma yoto kom obedo, kacel ki peki mogo ma luwot gi buru gi ki iyee pien pe gi niang kit peko ma lawot gi tye ka wok ki iyee. Ento ka cer gin ngeyo ni peko me nywene pa wic calo cwerwiny matek, lworu, ki bene lworu iyoo ngee bedo ki peko moo matek atika, ingeyo, calo kit ma onongo awaco iwii atii, pola gin, mogo romo loko kit ma gin tamo kwede onyo gin loko kwede ikom jo matye ki peko me nywene pa wic. Kibene romo medo kero me kube wek dano ku nen yoo maber mupore me konyo lutino ma gin tye ki peko me nywene pa wic.

Glades: Apwoyo matek adada Benjamin, itito lok eni maleng atika, ki bene amito ni amed kong ma nok ikom lok mo acel ma yin iwaco ni omyero dano ku bed ki mite onyo cwiny me mino kony. eni tye gin mo ma pire tek adada bot lunyodo wa ma gin tye woko kenyo. gin acel ma yin omyero itim macalo yin lanyodo, en aye me bedo ki cwiny onyo miti me konyo latin mukwongo, yeyo, yee kong kit ma latini tye kwede obedo gin ma pire tek atika ci dong jami mukene ni bino lacen. Eno ni aye kama yin ibicito bot lapwony onyo latella I gang kwan ci iwaci gin, latina ni tye ki peko munyo, utim gin munyo mi konyo latin eni ni. Ki bene nen ni inongo yoo me mini gi kony me yoto kom bene. Apwoyo matek adada, Benjamin. Obedo ber tutwal me nywako ne kwedi ngec ma meg i kom peko me nywene pa wic kacel ki wer. Ma calo Backup Uganda, pola kare wa Waco ni lutino weng romo pwonye. Apwoyo.

Agikki: Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matime i romo nongo i wang website www.backupuganda.org onyo i facebook, instagram, Twitter kacel ki LinkedIn.